

Naqqiut 3

Siunnersuut- Maajip 24-at 2018-meersoq taarserpaa

(Siunnersuummi § 2, imm. 1 naqqiuteqartoqarpoq. Inatsisip atuutilerfissaa naqqiinnermi tunngassuteqarpoq, “ulloq 1. Juli 2018” allanngortinneqarami “ulloq 1. Januar 2019-inngorluni, naqqiuteqarnermi peqquteqarpoq qallunaat folketingianni ulloq atuutilerfissaanut tunngasumik naqqiisoqarpoq).
suliarineqaqqaassamat. Naqqiummi 2-mi ullup atuutulerfissaanut tunngasumik naqqiisoqarpoq).

Siunnersuut

uunga

Kalaallit Nunaanni sulisilluni ajoqusersinnaanermut isumannaarineq pillugu inatsisip allanngortinneqarneranut inatsit

(Utoqqalinersiuteqalernissamat ukiut qaffakkiartortinneqarnissaasa malitsigisaanik allannguut)

§ 1

Kalaallit Nunaanni sulisilluni ajoqusersinnaanermut isumannaarineq pillugu inatsit, tak. inatsimmut nalunaarut nr. 75, 16. januar 2017-imeersoq, inatsisimmi nr. 461, 15. maj 2017-imeersumi § 2-kkut allanngortinneqartumi makku allanngortinneqassapput:

1. § 21, imm. 7, 2. imm., atorunnaassaaq, taarsiunneqassallunilu:

»Ukiunut ingerlaavartumik taarsivigineqartarneq atorunnaassaaq qaammatip naanerani ajoqusersimasup utoqqalinersiuteqalerneraniit, tak. utoqqalinersiaqarneq pillugu inatsisartut inatsisaat.

Ajoqusersimasup aalajangiinerup nalaani, tak. imm. 1, utoqqalinersiuteqalernissaminut ukiut marluk ikinnerusulluunniit amigaatigippagit, pisartagarititat ataatsikkut tunniunneqassapput § 31, imm. 4-mi maleruagassat naapertorlugit, aningaasannorlugit ingerlaavartumik tunniussinerup ukiunut nalingata marloriaataat, tak. imm. 6. Tamanna aamma ajoqusersimasunut utoqqalinersiuteqalersimasunut atuuppoq.«

2. § 21, imm. 8, atorunnaassaaq.

3. § 24, imm. 4, imannak naalisarneqassaaq:

»Imm. 4. Ukiunut ingerlaavartumik taarsivigineqartarneq atorunnaassaaq qaammatip naanerani ajoqusersimasup utoqqalinersiuteqalerneraniit, tak. utoqqalinersiaqarneq pillugu inatsisartut inatsisaat.«

4. § 31, imm. 1-mi oqaaseqatigiit aappaat, , atorunnaassaaq, taarsiunneqassallunilu:

»Inuussutissarsiorsinnaanermik annaasaqarnermut taarsiissutissat ataatsikkut tunniunneqassapput aningaasannorlugit, inunnut aalajangiinerup nalaani, tak. § 21, imm. 7, utoqqalinersiuteqalernissamat ukiunik marlunnik ikinnerusulluunniit amigaateqartunut, tak. utoqqalinersiaqarneq pillugu inatsisartut inatsisaat. Tamanna aamma ajoqusersimasunut utoqqalinersiuteqalersimasunut atuuppoq.«

5. § 31, imm. 2-mi oqaaseqatigiit aappaat, imannak naalisarneqassaaq:

»Ukiunut ingerlaavartumik taarsiissutissat aalajangiussat ataatsikkut aningaasannorlugit tunniunneqarsinnaanngillat, tiguisusaaq utoqqalinersiuteqalernissaminut ukiut marluk ikinnerusulluunniit amigaatigippagit, tak. utoqqalinersiaqarneq pillugu inatsisartut inatsisaat.«

6. § 76-mi imm. 4 kingorna immikkoortoq nutaaq ikkunneqassaaq:

»Imm. 5. Suliani, imm.4-mut attuumassuteqartuni, atorneqassapput § 21, imm. 7-mi oqaaseqatigiit aappaat, pingajuat sisamaallu, , § 24, imm. 4, § 31, imm. 1-mi oqaaseqatigiit aappaat pingajuallu, 2.-3. imm., § 31, imm. 2-mi oqaaseqatigiit aappaat,, aamma § 79, ukununnga taarsiullugit § 22, imm. 7-mi oqaaseqatigiit aappaat,, § 22, imm. 8, § 25, imm. 4, § 32, imm. 1-mi oqaaseqatigiit aappaat, ., § 32, imm. 2-mi oqaaseqatigiit aappaat,, aamma § 82 peqqussummi nr. 991, 3. oktober 2008-meersumi nalunaartoqartillugu taarsiissutissanillu akiliisoqartillugu inuussutissarsiorsinnaanermik annaasaqarnermi aamma pilersuisorisamik annaasaqarnermi.«

Imm. 5 taamaalilluni imm. 6-inngusaaq.

7. § 79 imatut naalisarneqassaaq:

»§ 79. Sillimmasiissutinik pisinnaatitaasoq sillimmasiisussaatitaasorlu sillimmasiissut atorunnaartissinnaanngilaa sillimmasiissutip nalingata qaffatinneqarnera pissutigalugu, tunngavilersuutigalugu aningaasartuutit qaffannerat, inatsisip matuma malitsigisaanik, utoqqalinersiaqarneq pillugu inatsisartut inatsisaat imaluunniit inatsisit taaneqartut allan-ngortinneqarneratigut imaluunniit peqqussut nr. 991, 3. oktober 2008-meersukkut.«

§ 2

Imm. 1. Inatsit atuutilissaaq 1. januar 2019.

Imm. 2. § 1, nr. 1-6, 1. januar 2017-mi atuutilissapput.

Siunnersuummut oqaaseqaatit

Oqaaseqaatit naliginnaasut

1. Aallarniut

Inatsisartut 23. november 2015-mi aalajangerpaat Kalaallit Nunaanni ukiut utoqqalinersiuteqalernissamut killigititaasut, 1. januar 2017 aallarnerfigalugu, 65-iniit 66-nut qaffanneqassasut, tullianilu qaffaqinneqassasut 1. januar 2021 aallarnerfigalugu, 66-iniit 67-nut.

Qaffaanissat aalajangersarneqarput utoqqalinersiaqar-neq pillugu inatsisartut inatsisaanni nr. 20, 23. november 2015-imeersumi.

Utoqqalinersiuteqalernissamut ukiunik killigititaasunik qaffaaneq sunniuteqarpoq, Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu, inuussutissarsiorsinnaanermik annaasaqarlutik taarsiivigineqarsimasunut aammalu pilersuiso-qarunnaanermut atatillugu taarsiivigineqarsimasunut. Tamanna pissuteqarpoq, sulisilluni ajoqusersinnaanermut isumannaarineq pillugu inatsit atorunnaassammat taarsiivigineqartoq 65-inik ukioqalerpat.

Sulisilluni ajoqusersimanermut taarsiisarnerup siunertaraa ajoquserup ajoqusernikkut inuussutissarsiornerata innarlerneqarnerani taarsiivigineqarnikkut aningaasar-siornerata ingerlaannarnissaata qulakkeernissaa.

Pilersuisoqarunnaanermut atatillugu taarsiivigineqar-tarnerup siunertaraa toqkkut qimagaasut annaasaqar-neranni pilersuisoqarunnaanernannut atatillugu taarsii-vigineqarnissaat. Taarsiigivineqarneq sivisunerpaamik ukiuni qulini atuuttussanngortinneqarsinnaavoq.

Utoqqalinersiuteqalernissamut ukiunik killigititaasunik qaffaanerup kingunerissavaa, sulitillutik ajoquserup aammalu qimagaasut utoqqalinersiuteqalernissaat sioqqullugu taarsiissutisiaasa atorunnaarnerat utoqqalinersiaqarneq pillugu inatsisartut inatsisaat naapertorlugu.

Siunnersuutip siunertaraa, ajoqusernikkut inuussutissarsiorsinnaajunnaanermi aammalu pilersuisoqarunnaanermi taarsiissutit utoqqalinersiuteqalernissap tungaanut akilerneqartarnissaasa qulakkeerneqarnissaa.

Utoqqalinersiuteqalernissamut ukiunik killigititaasunik qaffaanerup malitsigissavaa inuussutissarsiorsinnaaner-mik annaasaqarnermut atatillugu taarsiissutitut aningaasartuutit qaffanneqarnissaat. Piffissaq eqqarsaatigalugu tamanna taarsiissutitut akilersuisarnerup sivitsorneqarneranik tunngaveqarpoq.

Siunnersuut akuerineqassappat, utoqqalinersiuteqalernissamut ukiunik killigititaasunik qaffaaneq kinguneqaatitigut allannguuteqartitsissaaq.

2. Siunnersuummi immikoortut pingaarnerit

2.1. Inatsisit atuuttut

2.1.1. Kalaallit Nunaanni sulisilluni ajoqusersinnaanermut isumannaarineq pillugu inatsit

Sulisilluni ajoqusersimanermut taarsiissutit tassaapput akissarsianut sulisilluni ajoqusernerup kingorna annaa-sanut taarsiissutit, tak. § 21.

Maleruagassat atuuttut naapertorlugit sulisilluni ajoqu-sersimanermut taarsiissutit atorunnaassapput taarsiiffi-gineqartup 65-inik ukioqalerfiata qaammataa naappat., tak. § 21, imm. 8. Tamatumunnga pissutaapput Kalaal-lit Nunaanni utoqqalinersiuteqalernissamut ukiut killi-gititaasimasut.

Sulisilluni ajoqusersimanermut taarsiissutit tunniunne-qarsinnaapput ingerlaavartumik taarsiissutitut imaluunniit ataasiartatut taarsiissutitut (aningaasat tarsiissutit) Sulisilluni ajoqusersimaneq minnerpaamik 50 pct.-iuppat taarsiissutit ingerlaavartumik tunniunneqartassapput. Ingerlaavartumik taarsigassanik tunniussisarnermi ajoquserup, ajoqusernerup 50 pct.-iata nalinga aningaasanngorlugu ataatsikkut taarsiissutisarisinnaavai. Taarsiissutisiat utaqqiisaagallartumik aalajangikkat ataatsikkut aningaasanngorlugit tunniunneqarsinnaanngillat. Ataatsikkut aningaasanngorlugit tunniussarnermut maleruagassat § 31-mut naapertuupput.

Ataatsikkut taarsiissutissanik aningaasanngorlugit tun-niussineq atuutillerpoq, taaserlugu ingerlaavartumik tunniussineq, ingerlaavartumillu tunniussisarnermut siunertaavoq ajoquserup taarsiivigineqarnissaa, isertitaqarnikkut annaasaqarnera pissutigalugu sulisinnaasut ukioqartilluni.

Ingerlaavartumik taarsiissutissanik tunniussineq ataasikkut tunniussinermik taarserneqarsinnaanngilaq ajoqusertoq 63-inik ukioqalersimappat, tak. § 31, imm. 2. Sulisilluni ajoqusersimanermut taarsissutit ajoqusersimasumut aalajangiinerup nalaani 63-inik ukioqalereersimasumut ataasikkut aningaasanngorlugit tamatigut tunniunneqartassapput, ingerlaavartumik tunniussinerup ukiumut nalinga marloriarlugu, jf. § 21, imm. 7, aamma § 31. Tamanna aamma atuuppoq ajoqusersimasunut piffissami aalajangiiffiusumi utoqqalinersiuteqalersimasut, tak. § 21, imm. 8.

Pilersuisorisamik annaasaqartumut taarsiineq aamma atorunnaartarpoq, toqukkut qimagaasoq 65-inik ukioqalerpat, tak. § 24, imm. 4. Taamaattoq pilersuisorisamik annaasaqartup 65-inik ukioqalernissaata tungaanut taarsiisarneq qaqutigoorpoq. Tamanna pilersuisorisamik annaasaqarnermut taarsiinerup siviruserpaamik ukiuni 10-ni atuussinnaaneramik tunngaveqarpoq, jf. § 24, imm. 2. Utoqqaat ataasiakkaat, uillarnerit, nuleernerit aappaasulluunniit, 65-inik ukioqalernissami tungaanut taarsiiffigineqarsimasinnaapput, 1. januar 2017-ip tungaanut Kalaallit Nunaanni atuussimasoq, 65-inik ukioqalernermit utoqqalinersiuteqarsinnaanermit pisinnaatitaaffik tunngavigalugu.

Pilersuisorisamik annaasaqarnermit taarsiissutisiat ingerlaavartumik tunniunneqartarput, taamaattorli ataasikkut aningaasanngorlugit tunniunneqarsinnaapput tamanna toqukkut qimagaasumit piumasarineqarpat, tak. § 24, imm. 3 aamma 4, aamma § 31, imm. 3.

Maleruagassat atuuttut naapertorlugit sillimmasiissutini pisinnaatitaasoq sillimmasiissusaatitaasorlu (sulisisoq) sillimmasiissut atorunnaartissinnaanngilaq peqqussutip nr. 991, 3. oktober 2008-meersoq Kalaallit Nunaanni sulisilluni ajoqusersinnaanermit isumannaarineq pillugu inatsisip atortuulersinneqarneramik peqqussutip kingorna nalunaarsorneqarsimasoq, sillimmasiissutip nalingata qaffatsinneqarnerata kingorna, taamaallaat aningaasartuutit qaffannerat tunngavilersuutigineqarluni, tunngavigalugu Kalaallit Nunaanni sulisilluni ajoqusersinnaanermit isumannaarineq pillugu inatsit, tak. § 79.

2.1.2. Utoqqalinersiaqarneq pillugu inatsisartut inatsisaat

1. januar 2017 tikillugu 65-nik ukioqartut utoqqalinersiuteqalersinnaapput, tak. § 1, imm. 1 utoqqalinersiaqarneq pillugu Inatsisartut inatsisaat nr. 20 af 23. november 2015-meersoq. 1. januar 2017 aallarnerfigalugu utoqqalinersiuteqalernissamut killigititaasoq ukiunut 66-inut qaffanneqarpoq, aammalu 1. januar 2021 aallarnerfigalugu

utoqqalinersiuteqalernissamut killigititaasoq ukiunut 67-inut qaffanneqarpoq, tak. § 1, imm. 2.

Tamatuma kinguneraa, ajoqusersimasut 1. januar 2017 tikillugu utoqqalinersiuteqalersimangitsut sulitillutik ajoqusernerminnut atatillugu taarsiissutisimanerisa atuunera taamaattarmat utoqqalinersiuteqalernerat sioqqullugu. Tassani pineqarput ajoqusersimasut 1. januar 1952-imi kingornatigulluunniit inunnorsimasut. Inuit ulloq taanna sioqqullugu inunnorsimasut 1. januar 2017 aallarnerfigalugu utoqqalinersiuteqalersinnaatitaapput. Tassa inuit taakkua utoqqalinersiuteqalernissamut ukiunik killigititaasunik qaffaanermit eqqorneqassanngillat, sulisilluni ajoqusersimanermut aammalu pilersuisorisamik annaasaqarnermut taarsigassarsiat tunniunneqareermata.

2.2. Beskæftigelsesministeriap isumaliuutersuutai aammalu aaqiissutissatut siunnersuutai

Sulisilluni ajoquserumut inuussutissarsiorsinnaanermit annaasaqarnermut atatillugu taarsiissutitut pissarsiai, suligallarami akissarsiaanut taarsiissutitut atuupput. Beskæftigelsesministeriap uani anguniagassatut isigaa sulisilluni ajoquserumut taarsiissutit naatsorsorneqarsinnaasariaqartut taarsiivigineqartup utoqqalinersiuteqalernissaata tungaanut naapertuuttunngortillugit.

Kalaallit Nunaanni ukiunik utoqqalinersiuteqalernissamut killigititaasunik qaffaanerup nassatarivaa, sulitillutik ajoquserut aammalu pilersuisorisamik annaasaqar-tut ilaat taarsiivigineqanngitsoornissaat, piffissami ajoqusernermit pilersuisorisamilluunniit annaasaqarner-miit ukiut utoqqaalinersiuteqalernissamut killigitaasut anguneqarnissaasa tungaanut.

Uani pineqarput sulitillutik ajoquserut pilersuisorisamilluunniit annaasaqartut 65-it sinnerlugit ukioqartut, utoqqalinersiuteqalernissamut ukiut killigititaasut qaffanneqarnerisa kingorna.

Tamanna pissuteqarpoq, taarsiivigineqartut taakkua utoqqalinersiuteqalersinnaanerit sioqqullugu taarsiissutit atorunnaartarmata.

Taakkua sulitillutik ajoquserut pilersuisorisamilluunniit annaasaqartut utoqqalinersiuteqalernissaasa tungaanut taarsiivigineqarsinnaanissaat anguneqassappat Kalaallit Nunaanni sulisilluni ajoqusersinnaanermit isumannaarineq pillugu inatsit allannngortinneqartariaqar-poq, utoqqalinersiuteqalersinnaanermit ukiunik killigititaasunik qaffaanermit naapertuuttunngortillugu, tak. utoqqalinersiaqarneq pillugu inatsisartut inatsisaat.

Kalaallit Nunaanni sulisilluni ajoqusersinnaanermut isumannaarineq pillugu inatsit siunissami allannguutaasinnaasunut naapertuuttunngortikkumallugu aalajangersimasumik ukioqarnissamut tunngatillugu aalajangersakkanik imaqartariaqanngilaq, Kalaallit Nunaanni utoqqalinersiaqarneq pillugu inatsisartut inatsisaannut naapertuuttunngortillugu.

Sulisilluni ajoqusersinnaanermut isumannaarineq pillugu inatsimmut allannguutit assingusut ivertinneqarput utoqqalinersiuteqalernissamut ukiunik killigititaasunik allannguinermut atatillugu inatsisikkut nr. 1587, 20. december 2006-meersukkut (Utoqqalinersiuteqalernissa-mut soraarnerussutisiaqalernissamullu ukiunik killigititaasunik qaffaaneq il.il.) aammalu inatsisikkut nr. 496, 6. juni 2007-meersukkut (Arbejdsskadeudvalgimit inassutigineqartunik malitseqartitsineq il.il.).

Kalaallit Nunaanni utoqqalinersiuteqalersinnaanermut ukiunik qaffaaneq 1. januar 2017 aallarnerfigalugu atuutilerpoq, tak. § 31 aamma § 1, imm. 2, utoqqalinersiaqarneq pillugu inatsisartut inatsisaanni.

Kalaallit Nunaanni utoqqalinersiuteqalernissamut ukiunik qaffaaneq inunnut 1. januar 1952-imi kingornatigulluunniit inunngorsimasunut atuuppoq.

Kalaallit Nunaanni sulisilluni ajoqusersinnaanermut isumannaarineq pillugu inatsisip allanngornera ajoqusersimasunut qimagaasimasunullu 1. januar 1952-imi kingornatigulluunniit inunngorsimasunut kinguneqassaaq, Kalaallit Nunaanni sulisilluni ajoqusersinnaanermut isumannaarineq pillugu inatsit aammalu Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut nr. 991, 3. oktober 2008-meersoq naapertorlugit taarsiivigineqarsinnaasunut. Inuit ulloq taanna sioqqullugu inunngortut 1. januar 2017-miit ullorluunniit taanna sioqqullugu utoqqalinersiaqalersussaapput. Inuit taakkua taamaalillutik utoqqalinersiuteqalernissamut ukiut killigititaasut qaffanneqarnerat eqqornerqaatigissanngilaat, sulisilluni ajoquserneq pilersuisorisamillu annaasaqarneq eqqarsaatigalugit naatsorsorneqarmat ukiut 65-it anguneqarnissaat, tassa inuit taakkua utoqqalinersiuteqalerfissaat.

Siunnersuutip malitsigivaa, sulitillutik ajoquserut taarsiivigineqarnissaat ajoqusernermikkut sulisinnaajunnaarnertik pissutigalugu utoqqalinersiuteqalernissartik tikillugu, tak. utoqqalinersiaqarneq pillugu inatsisartut inatsisaat.

Qimagaasut, maleruagassat atuuttut malillugit pilersuisumik annaasaqarnerminnut atatillugu 65-inik

ukioqalernissami tungaanut taarsiivigineqarsimasut, taarsiivigineqarsinnaanngussapput utoqqalinersiuteqalernissamut killigititaasut atuuttut tungaanut, tak. utoqqalinersiaqarneq pillugu inatsisartut inatsisaat.

Siunnersuutip aamma kingunerissavaa, inatsisip atuutilersnerani Arbejdsmarkedets Erhvervssikringip suliat assigiinngitsut, 65-inik ukioqalernissap tungaanut atuuttussamik aalajangersaaffusimasut ammaqqissagai Kalaallit Nunaanni sulisilluni ajoqusersinnaanermut isumannaarineq pillugu inatsit aammalu Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqus-sut nr. 991, 3. oktober 2008-meersoq naapertorlugit aalajangersaaffigineqarsimasut. Sulianik ammaaqqiiner-mi qulakkeerreqassaaq ajoqusernermikkut pilersuisorisamilluunniit annaasaqarnermikkut taarsiivigineqar-simasut qaavatigut taarsiivigineqarqinnissaat siunnersuutigineqartup atuutilersnerata kingorna.

Siunnersuutimut immikkut oqaaseqaatinut § 2-mut innersuussisoqarpoq. Beskæftigelsesministeriap nalilerpaa, naapertuutissanngitsoq siunnersuut - sulisitsisunut aningaasartuutitigut qaffaataasussaaq - sulisitsisunik sillimmasiisarfinningaanniit atorunnaarsitsiner-mik kinguneqassappat (sillimmasersimasut), sillimmasiisarnermi periutsit naliginnaasut naapertorlugit, pisussaasorlu sillimmasiiner-mut piunasaqaatit, tassani ilanngullugit sillimmaser-nermut akigititaasut, allanngussappata.

Taamaattumik Kalaallit Nunaanni sulisilluni ajoqusersinnaanermut isumannaarineq pillugu inatsimmi eqqaarneqanngilaq, utoqqalinersiuteqalersinnaanermut ukiut killigititaasut qaffanneqarnerata kingunerisaanik sillimmasersimasut (sulisitsisut) aningaasartuutaasa qaffannissaat.

Tamanna tunngavigalugu Beskæftigelsesministeriap siunnersuutigaa, sillimmasersimasut sillimmasiissutiminik atorunnaarsitsisinnaanerat annertusineqassasoq ullumikkut maleruagassat atuuttut, utoqqalinersiaqarneq pillugu inatsisartut inatsisaata, Kalaallit Nunaanni sulitilluni ajoqusersinnaanermut isumannaarineq pillugu inatsisip aammalu Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut nr. 991, 3. oktober 2008-meersup allanngortinneqarnerisigut, sillimmasersimasut (sulisitsisut) aningaasartuutaasa qaffannissaannik kinguneqartitsisut.

Siunnersuutigineqarpoq Kalaallit Nunaanni sulisilluni ajoqusersinnaanermut isumannaarineq pillugu inatsisip allannguutai aamma utoqqalinersiat pillugit Inatsisartut inatsisaat imaluunniit peqqussutaat nr. 991,

3. oktober 2008-meersoq naapertorlugu inuit sillimmasersimasut sillimmasiissutiminnik atorunnaarsitsisanninnissaat.

Taamaaliornikkut qulakkeerlugu, sillimmasersimasut sillimmasiissutiminnik atorunnaarsitsisinnaannginnissaat sillimmasiissutit nalingisa qaffanneqarnerisa kingunerisaanik, taamaallaat aningaasartuutit qaffannerinik tunngavilersorneqartumik, inatsisinik taakkuninnga pineqartunik peqqussummillu allannguinerup kingunerisaanik, uani ilanngullugu, utoqqalinersiuteqalernissamut ukiumik killigititaasunik qaffaanerup kingunerisaanik aningaasartuutit qaffannerat.

Sulisilluni ajoqusersinnaanermut isumannaarineq pillugu inatsimmut allannguut assingusoq ivertinneqarpoq Danmarkimi utoqqalinersiuteqalersinnaanermut ukiut killigititaasut 1. januar 2016 allanngortinneqarneranni inatsisikkut nr. 1810 af 23. december 2015-meersukut (utoqqalinersiaqalernissamut ukiut killigititaasut aaqiivigineqartarat)
3. Pisortat allaffissornerannut aningaasaqarnerannullu kinguneqaatissat

Siunnersuutip ukiumut suliat, inuussutissarsiorsinnaanermik annaasaqarnermut tunngasut, agguaqatigiisillugu 15-it sunnuteqarfigissagai ilimagineqarpoq. Taassuma saniatigut Sulisilluni Ajoqusernerit pillugit Sullissiviup suliat 85-it miss. ammaqjissavai (2009-2018), taakkunani sulisilluni ajoquserneq pissutigalugu taarsiisoqarsimavoq 65-inik ukioqalertoqarnissaata tungaanut, tassani ajoqusersimasoq imaluunniit toqukku qimagaasimasoq utoqqalinersiuteqalernissamut ukiumik killigititaasunik qaffaanermi ilaallutik.

Kalaallit Nunaanni sulisilluni ajoqusersinnaanermut isumannaarineq pillugu peqqusutini, 1. januar 2009 sioqqullugu atuussimasuni, ajoquserlutik imaluunniit pilersuisorisamik annaasaqarlutik taarsiivigineqartunut akiliinissamut atatillugu maleruagassat allaasimapput. Peqqusutini taakkunani maleruagassat nassata-raat, utoqqalinersiaqarnermut inatsisartut inatsisaanni ukiut killigititaasut 1. januar 2017-imi 65-niit 66-issinut qaffanneqarnerat kiisalu 2021-imi 66-niit 67-issinut qaffanneqarnissaat maleruagassani inunnu pi-neqartunut kinguneqaateqassanngitsoq, ajoquserlutik imaluunniit toqukku qimagaasunut.

Inatsimmik atuutsilernerumut atatillugu Beskæftigelsesministeriap nalilerpaa, pisortanut namminersortunullu 2009-imiit 2018-imut ajoqusernerumut tunngatil-lugu suliat ilanngunneqarnissaannut 10 mio. kr.-it atorneqassasut, pissutigalugu siunnersuut sunnuteqassammat sulianut siunnersuut sioqqullugu aalajangiiffigineqarsimasunut,

Kalaallit Nunaanni sulisilluni ajoqusersinnaanermut isumannaarineq pillugu inatsit aammalu Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqusut nr. 991, 3. oktober 2008-meersoq naapertorlugit. Ingerlaavartumik aningaasartuutaasussatut, allannguut tamakkiisumik atuutilerpat, taarsiivigineqarnissamik sulianut nutaanut ukiumut 1 mio. kr.-nit naatsorsorneqarput. Kisitsisini ilanngunneqarput arbejds-skadeafgifti og arbejds-miljøbidragi.

Sillimmasiisarfiit aamma Arbejdsmarkedets Erhvervs-sikringi pisussaammata, aningaasartuutigineqartoq sillimmasersimasuniit (suliffeqarfiit) akileqqussallugu aningaasartuutit sulisitsisunut qaffattarput sillimmasiissutit (præmien) ajutoortoqarnerani qaffanneranik pissuteqartumik, aammalu Arbejdsmarkedets Erhvervs-sikringimi erhvervs-sygdoms-rådemut tapiissutit qaffanneranik pissuteqartumik. Imminnut sillimmasersimasunut qaavatiqut aningaasartuutaasaaq arbejds-sulyk-keserstatninginut aningaasartuutit qaffannerisigut aammalu Arbejdsmarkedets Erhvervs-sikringimut tapiissutit qaffanneratigut. Qaavatiqut aningaasartuutaasussat suliffeqarfimmut pinngitsooratik tussapput, apeqqutaanani sillimmasiisoqarsimanersoq, imminut sillimmasertoqarsimanersoq imaluunniit aningaasartuut Arbejdsmarkedets Erhvervs-sikringimut tapiissutitigut matussu-serneqassanersoq.

Taarsiivigineqarnissamik suliat 20 pct.-iisa miss. pisortat suliffeqarfiutaannut attuumasuussasut naatsorsorneqarpoq, aammalu inatsimmik atuutsilernerumut atatillugu aningaasartuutit 2 mio. kr.-iussasut naatsorsorneqarluni. Taassuma saniatigut qulakkiivinneqanngitsumik naatsorsorneqarpoq ingerlaavartumik sulianut nutaanut aningaasartuutissat agguaqatigiisillugu ukiumut 200.000 kr.-it missaaniissasut. Tamatuma aningaasartuutissap naalagaaffimmut Kalaallillu Nunaanni kommuninut agguataarnissaa ajornarpoq.

4. Namminersorlutik inuuniuteqartut il.il. allaffissornerannut aningaasaqarnerannullu kinguneqaatissat

Taarsiivigineqarnissamut suliat 80 pct.-ii namminersorlutik sulisitsisunut tunngassuteqartuussasut naatsorsorneqarpoq, aammalu inatsisip atuutilerneranumut atatillugu sulianik naammassineqarsimasunik ammaaqqinnernut aningaasartuutit 8 mio. kr.-niunissaat naatsorsorneqarluni. Taakkua saniatigut, sulianut nutaanut 800.000 kr.-it miss. ukiumut sillimmasiisarfinniit aammalu Arbejdsmarkedets Erhvervs-sikringimut atorneqartassasut ilimagineqarpoq.

Sillimmasiisarfiit aammalu Arbejdsmarkedets Erhvervssikringip pisussaaffigaat aningaasartuut sillimmasersimasunit (suliffeqarfiit) akileqqusassallugu. Taamaattumik siunnersuut sillimmasiisarfinnut aammalu Arbejdsmarkedets Erhvervssikringimut aningaasatigut kinguneqaateqassanngilaq.

Maluginiarneqarpoq, Sulisilluni Ajoqusernerit pillugit Sullissivimmit suliat 85-it ammaqpinneqartussat eqqarsaatigalugit allaffissornikkut aningaasartuutaassat sillimmasiisarfinnit aammalu Arbejdsmarkedets Erhvervssikringimit matussuserneqassasut, tassani sulianut inuutissarsiornermi nappaatigilikkanut tunngasut, tak. § 64 sulisilluni ajoqusersinnaanermut isumannaarineq pillugu inatsimmi aammalu § 3 Arbejdsmarkedets Erhvervssikringip suliffeqarfittut imminut pigisutut pilersinneqarneranut inatsit. Sillimmasiisarfiit aammalu Arbejdsmarkedets Erhvervssikringip sulisitsisunut akileqqusarpai sillimmasiissutit (præmie) aammalu tapiissutit taassuma aningaasartuutip matussusernissaanut. Naatsorsorneqarpoq sulianik 85-it miss. ammaaqqiineq (2009-2018) annertuumik allaffissornikkut aningaasartuutaassanngitsoq.

9. Eqikkaalluni immersugaq

	Kinguneqaatit pitsaasut/aningaasartuutit annikinnerusut (aappiuppat annertussuseq ilanngunneqassaaq)	Kinguneqaatit pitsaanngitsut/aningaasartuutit annertunerusut (aappiuppat annertussuseq ilanngunneqassaaq)
Naalagaaffimmut, kommuninut aamma nunap immikkoortuinut aningaasatigut kinguneqaa-tissat	Soqanngilaq	2 mio. kr.-it inatsisip atuutilernerani aammalu qulakkiivinneqanngitsumik ukiumut 200.000 kr.-nik.
Naalagaaffimmut, kommuninut aamma nunap immikkoortuinut allaffissornikkut kinguneqaatissat	Soqanngilaq	Soqanngilaq
Namminersortunut il.il. aningaasatigut kinguneqaatissat	Soqanngilaq	8 mio. kr.-it inatsisip atuutilernerani aammalu qulakkiivinneqanngitsumik ukiumut 800.000 kr.-nik.
Namminersortunut il.il. allaffissornikkut kinguneqaatissat	Soqanngilaq	Soqanngilaq
Innuttaasunut allaffissornikkut kinguneqaatissat	Soqanngilaq	Soqanngilaq
Avatangiisinut kinguneqaatissat	Soqanngilaq	Soqanngilaq
EU-retten-imut attuumassuteqarneq	Siunnersuut EU-p suliaanut attuumassuteqartunik soqanngilaq.	

5. Innutaasunut allaffissornikkut kinguneqaatissat

Siunnersuut innutaasunut allaffissornikkut kinguneqaateqassanngilaq.

6. Avatangiisinut pinngortitamullu kinguneqaatissat

Siunnersuut avatangiisinut pinngortitamullu kinguneqaateqassanngilaq.

7. EU-retten-imut attuumassuteqarneq

Siunnersuut EU-p suliaanut attuumassuteqartunik soqanngilaq.

8. Oqartussaqaarfii kattuiffiillu tusarniaavigineqarsimasut il.il.

Piffissami [...] sulisilluni ajoqusersinnaanermut isumannaarineq pillugu inatsisip allanngortinneqarnissaa-nik siunnersuut Danmarkimi aammalu Kalaallit Nunaanni tusarniaassutigineqarsimavoq oqartussaqaarfinnut kattuffinnullu makkununnga:

[Kalaallit Nunaat suleqatigalugu allattorsimaffik suliarineqarpoq].

Atuutsitslernerimi EU-retten-imut attuumassuteqarnermi minnerpaamik naammassisassat (X- ilissaaq)	AAP	NAAGGA X
---	-----	-------------

Siunnersuummi aalajangersakkanut ataasiakkaanut oqaaseqaatit

§ 1-mut

Nr. 1-imut

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 21, imm. 7-mi oqaaseqatigiit aappaanni aalajangersaq atuuttoq naapertorlugu ajoqusertoq ullormi aalajangiiffimmi ajoqusertoq 63-nik ukioqalereersimaguni inuussutissarsiorsinnaajunnaarnera pillugu taarsiissutit ataavartut ukiumoortut marloriaataasa nalinginik taarsiivigineqassaaq

§ 21-mi, imm. 7, 2. imm., siunnersuutigineqarpoq taarsiissutissanik ingerlaavartumik tunniussineq taamaatinneqassasoq ajoquser tup utoqqalinersiuteqalergia qaammat naappat, tak. utoqqalinersiaqarneq pillugu inatsisartut inatsisaat.

Siunnersuutip taaserpaa inatsimmi atuuttumi § 21, imm. 7-mi oqaaseqatigiit aappaat aamma § 21, imm. 8.

Taamaalinikkut qulakkeerneqarpoq, sulisinnaajunnaarneq tunngavigalugu taarsiissutissanik ingerlaavartumik tunniussineq ingerlaannassasoq ajoquser tup utoqqalinersiuteqalernissaata tungaanut Kalaallit Nunaanni utoqqalinersiaqarnermut maleruagassat atuuttut naapertorlugit, aammalu periarfissaassanngitsoq piffissami aalajangersimasumi ajoquser toq taarsiissutissanik tunineqannginnissaa imaluunniit utoqqalinersiuteqannginnissaa. Siunnersuutip malitsigivaa utoqqalinersiuteqalernissamut ukiumut qaffanneqartunut naleqquttunngorsaaneq, inatsisip oqaasertai maanna innersuussimmata

utoqqalinersiuteqalernissamut ukiorisassanut utoqqalinersiaqarneq pillugu inatsisartut inatsisaat malillugu, pineqarnatik ukiut aalajangersimasut atuukkunnaarfissatut taarsiissutinik tunniussisarnermut tunngatillugu.

§ 21-mi, imm. 7-mi oqaaseqatigiit sisamaanni siunnersuutigineqarpoq, ajoquser toq piffissami aalajangiinerup nalaani, tak. imm. 1, utoqqalinersiuteqarlernissaminut ukiut marluk ikinnerusulluunniit amigaatigippagit, taarsiissutissat tunniunneqassapput ataatsikkut § 31, imm 4-mi, maleruagassat naapertorlugit, ukiumut tunniunneqartartut nalingata marloriaataat, tak. imm. 6.

Sulisinnaajunnaanermut taarsiissutisiner mut atatillugu utoqqalinersiuteqalernissamut ikaarsaarnermi ukiumut tunniunneqartartut nalingata marloriaataanik tunineqartarnerup allangornani ingerlaannarnera kingunerivaa. Allanguutissatut siunnersuutaasup nassatarivaa, taarsiivigineqarsinnaatitaaneq pilertartuq, ajoquser tup piffissami aalajangiinerup nalaani utoqqalinersiuteqarlernissaminut ukiut marluk ikinnerusulluunniit amigaatigigaangagit, ullumikkutuunngitsoq tassa ajoquser toq 63-inik ukioqalerpat.

§ 21-mi, imm. 7, 4. imm., matumuuna naapertuuttumik siunnersuutigineqarpoq, tamanna aamma atuutissasoq ajoquser tunut utoqqalinersiuteqarsinnaanngortunut. Ajoquser tup utoqqalinersiuteqalersinnaanngorsimasut pisinnaatitaallissapput sulisinnaajunnaarneq pissutigalugu taarsiivigineqarnissamut, ukiumut tunniunneqartartut marloriaataannik. Taamaliornikkut periarfissaaginnartinneqassaaq sulisinnaajunnaarneq pillugu taarsiissutinik ajoquser tunut tunniussineq, utoqqalinersiuteqalereeraluarlutik suli sulisunut. Pisariaqarpoq inatsisip maleruagassartai naliginnaasut

naapertuutissasut. Ilagivaa, sulisilluni ajoqusernerussasoq, sulisinnaajunnaarnerlu sulisilluni ajoqusernermit pineqartumit pissuteqassasoq.

Innersuussutaapput imm. 2-mi oqaaseqatigiit aappaannisiunnersuummut oqaaseqaatit nalinginnaasut

Nr. 2-mut

§ 21-mi, imm. 8, Kalaallit Nunaanni sulisilluni ajoqusersinnaanermut isumannaarineq pillugu inatsimmi aalajangersagaq naapertorlugu, ingerlaavartumik taarsiissutissanik tunniussineq atorunnaassaaq taarsiivigine-qartup qaammat 65-issinik ukioqalerfiata naanerani.

Siunnersuutigineqarpoq, aalajangersagaq atorunnaartinneqassasoq. Maleruagassaq siunnersuummi § 1, nr. 1, ikkunneqarpoq § 21, imm. 7, 2. immikkoortutut.

Oqaaseqaatit innersuussutigineqarput aammalu imm. 2.2.-mi siunnersuummut oqaaseqaatit nalinginnaasut.

Nr. 3-mut

§ 24-mi, imm. 4, Kalaallit Nunaanni sulisilluni ajoqusersinnaanermut isumannaarineq pillugu inatsimmi aalajangersagaq naapertorlugu, ingerlaavartumik taarsiissutissanik tunniussineq atorunnaassaaq taarsiivigine-qartup qaammat 65-nik ukioqalerfiata naanerani.

Tamassumap kingunerivaa, taarsiivigineqarsinnaatitaaneq atorunnaassasoq taarsiivigineqartut utoqqalinersiuteqalersinnaanerat sioqqullugu.

Siunnersuutigineqarpoq § 24, imm. 4, taarsiissutinik ingerlaavartumik tunniussineq atorunnaassasoq, toqukkuq qimagaasup utoqqalinersiuteqalernerata qaammataata naanerani, tak. utoqqalinersiaqarneq pillugu inatsisartut inatsisaat.

Taamaalilluni qulakkeerneqarpoq qimagaasut taakkua taarsiivigineqarsinnaatitaanerat utoqqalinersiuteqalernissaat tikillugu, Kalaallit Nunaanni sulisilluni ajoqusersinnaanermut isumannaarineq pillugu inatsit siunissami utoqqalinersiaqalernissamut ukiut killigititaasut allannortinneqarsinnaaneranunut tulluussarneqarmat, ukiunut aalajangersimasunut innersuussinnginnikkut utoqqalinersiuteqalernissaq eqqarsaatigalugu.

Matumuuna qulakkeerneqarpoq, pilersuisorisamik anaasaqarnermut atatillugu ingerlaavartumik taarsiissutissanik tunniussisarneq ingerlaannassasoq qimagaasup

utoqqalinersiuteqalernissaata tungaanut, pisariaqarporli qimagaasop pilersuisorisamik anaasaqarnermut atatillugu taarsiivigineqarsinnaatitaassasoq utoqqalinersiuteqalernissap tungaanut. Siunnersuutip malitsigivaa, qimagaasup pilersuisorisamik anaasaqarnermimut atatillugu taarsiissutinik tiguisarnera imaluunniit utoqqalinersiuteqarnera piffissami aalajangersimasumi atorunnaarsinnaajunnaartinneqarnera.

Siunnersuut siunnersuummut naapertuuppoq § 1-mi, nr. 1, qimagaasunut tunngatillugu.

Innersuussutaapput imm. 2.2.-mi siunnersuummut oqaaseqaatit nalinginnaasut.

Nr. 4-mut

Inuussutissarsiorsinnaanermik anaasaqarnermut taarsiissutisat § 31, imm. 1, naapertorlugu tunniunneqarsinnaapput ingerlaavartumik imaluunniit ataatsikkut aningaasanngorlugit.

§ 31, imm. 1-mi oqaaseqatigiit siulliat, naapertorlugu taarsiissutisat ingerlaavartumik tunniunneqassapput sulisilluni ajoquserneq 50 pct.-iuppat taannaluunniit sinnerpagu. Sulisilluni ajoquserneq 50 pct.-it ataappagu taarsiissutisat tunniunneqassapput ataatsikkut aningaasanngorlugit, taarsiivigineqartoq akuersiteqqaarnagu. Sulisilluni ajoqusernermut 50 pct.-inut qummullugu taarsiissutisat, ajoquserneq 50 pct.-imut piumasaqarneratigit ataatsikkut aningaasanngorlugit tunniunneqarsinnaapput ajoqusernermut 50 pct.-imut attuumassuteqartut.

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 31-mi, imm. 1-mi oqaaseqatigiit aappaanni aalajangersagaq naapertorlugu inuussutissarsiorsinnaanermik anaasaqarnermut taarsiissutit piffissami aalajangiiffiusumi 63-leereersimasunut tunniunneqarsimasut tamatigit ataatsikkut aningaasanngorlugit tunniunneqartarput. Aningaasat ataatsikkut tunniunneqartut ukiumut tunniunneqartartut marloriaataannik naleqarput.

§ 31, imm. 1-mi oqaaseqatigiit aappaanni siunnersuutigineqarpoq inuussutissarsiorsinnaanermik anaasaqarnermut taarsiissutit ataatsikkut aningaasanngorlugit tunniunneqassasut, taarsiivigineqartut piffissami aalajangiiffiusumi, tak. § 21, imm. 7-mi oqaaseqatigiit pingajuanni utoqqalinersiuteqalernissamut ukiut marluk ikinnerusulluunniit amigaatigippatigit, tak. utoqqalinersiaqarneq pillugu inatsisartut inatsisaat. Aningaasat ataatsikkut tunniunneqartut allanngoratik ukiumut tunniunneqartartut marloriaatigaat, tak. siunnersuut § 1-mi, nr. 1-mi.

Siunnersuummut kinguneqaataavoq § 1, nr. 1-imut siunnersuut, aammalu sulisilluni ajoqusernermut taarsiissutinik tunniussisarneq allangortillugu, ajoqusernut utoqqalinersiuteqalernissamut ukiunik marlunnik ikinnerusunilluunniit amigaateqartunut.

Siunnersuutip malitsigivaa, utoqqalinersiuteqalernissartik sioqqutitsiarlugu ajoqusernut (ukiut marluk ikinnerusunilluunniit) taarsiivigineqassasut ukiuni marlunni ingerlaavartumik taarsiivigineqarnerup assinganik.

§ 31-mi, imm. 1-mi oqaaseqatigiit pingajuanni siunnersuutigineqarpoq aamma tamanna atuutissasooq ajoqusernut utoqqalinersiuteqalersimasunut. Ajoqusernut utoqqalinersiuteqalersimasut taamaallit aamma taarsiivigineqarsinnaanngussapput sulitillutik ajoquserunik, ukiuni marlunni ingerlaavartumik taarsiissutitut tunniunneqartartut assinginik. Taamaaliornikkut periarfissaq piuinnaasaaq inuussutissarsiorsinnaanermik annaasaqarnermut taarsiissutinik tunniussineq sulitillutik ajoqusernut utoqqalinersiuteqalereersimasunut.

Siunnersuutip malitsigivaa, sutilluni ajoqusernermut taarsiissutinik tunniussisoqarsinnaasooq inunnut utoqqalinersiuteqalereeraluarlutik sulisunut sulinermilu nalaani ajoqusernut.

Innersuussutaapput imm. 2.2.-mi siunnersuummut oqaaseqaatit naliginnaasut.

Nr. 5-imut

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 31-mi, imm. 2-mi oqaaseqatigiit aappaanni aalajangersagaq naapertorlugu inuussutissarsiorsinnaanermik annaasaqarnermut atatillugu ingerlaavartumik taarsiissutitut tunniunneqartartut ataatsikkut aningaasanngorlugit tunniussassanngortinneqarsinnaanngillat, taarsiivigineqartoq 63-issinik ukioqalersimappat.

Siunnersuutigineqarpoq tamanna periuseq attatiinnarneqassasooq. Malitsigivaa, ajoqusernut ukiuinut innersuussineq inatsimmiit peerneqassasooq. Siunnersuutip malitsigisaanik taarsiullugu ikkunneqarpoq § 1, nr 1-mut, innersuussineq piffissamut, ajoqusernut utoqqalinersiuteqalernissamut ukiunut killigititaasunut qaqugukkulluunniit atuuttunut, ukiunik marlunnik ikinnerusunilluunniit amigaateqarnera.

Taamaattumik § 31-mi, imm. 2, 2. imm., siunnersuutigineqarpoq ingerlaavartumik taarsiissutinik tunniussineq ataatsikkut aningaasanngorlugit tunniussinngortinneqarsinnaanngitsoq taarsiivigineqartup utoqqalinersiuteqalernissamut ukiut

marluk ikinnerusunilluunniit amigaatigippagit, tak. utoqqalinersiaqarneq pillugu inatsisartut inatsisaat. Taamaallituni periuseq atuuttoq attatiinnarneqassasooq, inuussutissarsiorsinnaanermik annaasaqarnermut ingerlaavartumik taarsiissutinik tunniussineq ataatsikkut aningaasanngorlugit tunniussinngortinneqarsinnaannginnera, ajoqusernut utoqqalinersiuteqalernissamut ukiut marluk ikinnerusunilluunniit amigaatigippagit.

Siunnersuummut kinguneqaataavoq § 1, nr. 1-imut siunnersuut.

Innersuussutaapput imm. 2.2.-mi siunnersuummut oqaaseqaatit naliginnaasut.

Nr. 6-imut

Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarnissaa pillugu peqqussut nr. 991, 3. oktober 2008-meersoq, 1. januar 2009-mi atuutilersinneqartoq, Kalaallit Nunaanni sulitilluni ajoqusersinnaanermut isumannaarineq pillugu inatsimmi 1. januar 2011-mi atuutilersinneqartumi § 76, imm. 3-kut atorunnaarpoq. Taamaattorli ajoqusernerit 1. januar 2011 sioqqullugu pisut, sulinermilu nappaataalersimasut aamma 1. januar 2011 sioqqullugu nalunaarutigineqartut pillugit suliassat inatsimmi § 76, imm. 4-mi aalajangersagaq naapertorlugu peqqussut atuutiinnaasaaq.

Peqqussut taanna maleruagassanik imaqarpoq Kalaallit Nunaanni sulisilluni ajoqusersinnaanermut isumannaarineq pillugu inatsimmut naapertuuttunut, pineqartillugit inuussutissarsiorsinnaanermik annaasaqarnermut aammalu pilersuisorisamik annaasaqarnermut taarsiivigineqarnerit aammalu taarsiissutinik tunniussinertit.

Siunnersuutigineqarpoq § 76, imm. 5, suliani § 76, imm. 4-mut attuumassuteqartuni atorneqassasut § 21, imm. 7-mi oqaaseqatigiit aappaat, pingajuat sisamaallu, § 24, imm. 4, § 31, imm. 1-mi oqaaseqatigiit aappaat pingajuallu, § 31, imm. 2-mi oqaaseqatigiit aappaat aamma § 79, ukununga taarsiullugit § 22, imm. 7-mi oqaaseqatigiit aappaat, § 22, imm. 8, § 25, imm. 4, § 32, imm. 1-mi oqaaseqatigiit aappaat, § 32, imm. 2-mi oqaaseqatigiit aappaat., aammalu Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussummi nr. 991, 3. oktober 2008-meersumi § 82, inuussutissarsiorsinnaanermik annaasaqarnermut aammalu pilersuisorisamik annaasaqarnermut taarsiivigineqarnerit aammalu taarsiissutinik tunniussinertit.

Malitsigivaa, Kalaallit Nunaanni sulisilluni ajoquser-sinnaanermut isumannaarineq pillugu inatsimmi allannguutissatut siunnersuutit aamma atugassatut siunnersuutigineqassatut peqqussutit atorunnaareernerani sulianut, peqqussummi aalajangersakkat naapertorlugit sulianut assingusunut. Pineqarput, inuussutissarsiorsinnaanermik annaasaqarnermut aammalu pilersuisorisamik annaasaqarnermi peqqussut nr. 991, 3. oktober 2008-meersoq naapertorlugu taarsiivigineqarnissamik aalajangiinerit.

Siunnersuutit siunertaraa qulakkiissallugu sulisilluni ajoquserut aammalu pilersuisorisamik annaasaqartut peqqussummi pineqartut utoqqalinersiuteqalernissaasa tungaanut taarsiivigineqarsinnaatitaanerit, Kalaallit Nunaanni sulisilluni ajoqusersinnaanermut isumannaarineq pillugu inatsimmi pineqartut assigalugit.

Nr. 7-imut

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 79-mi aalajangersagaq naapertorlugu sillimmasertussaataaasoq sillimmasersimasooq peqqussut nr. 991, 3. oktober 2008-meersoq naapertorlugu sillimmasersimaneq atorunnaartissinnaanngilaa, taamaallaat tunngavilersuutigalugu sillimmasiissutit (præmien) nalingata qaffannera, inatsimmik tunngaveqartoq.

§ 79-mi siunnersuutigineqarpoq sillimmasertussaataaasoq sillimmasersimasooq sillimmasersimaneq atorunnaartissinnaanngilaa, taamaallaat tunngavilersuutigalugu sillimmasiissutit (præmien) nalingata qaffannera, inatsimmik tunngaveqartoq, utoqqalinersiaqarneq pillugu inatsisartut inatsisaat imaluunniit peqqussut nr. 991, 3. oktober 2008-meersoq.

Taamaalilluni periuseq atuuttoq attatiinnarneqarpoq, aalajangersagarli annertusineqarpoq Kalaallit Nunaanni sulisilluni ajoqusersinnaanermut isumannaarineq pillugu inatsimmut aammalu utoqqalinersiaqarneq pillugu inatsisartut inatsisaannut taakkununggalu allannguuti-nut innersuussinikkut.

Taamaalilluni qulakkeerneqarpoq, aalajangersagaq siunnessami Kalaallit Nunaanni sulisilluni ajoqusersinnaanermut isumannaarineq pillugu inatsimmut aammalu utoqqalinersiaqarneq pillugu inatsisartut inatsisaannut allannguutaasinnaasunut atuuttussanngortillugu.

Aalajangersakkap siunertaraa pinngitsoortissallugu, sillimmasiisarfiit sillimmasiisuminnik (sulisitsisut) atorunnaarsitsinissaat. Sillimmasiisarkermit periutsit nalinginnaasut malillugit sillimmasiisarfiit

sillimmasersimasut atorunnaartissavaat, sillimmasertarnermut atugassaasunik allannguinermit, ilanngullu sillimmasersima-nermut akigititaasoq.

Innersuussutaapput imm. 2.2.-mi siunnersuummut oqaaseqaatit nalinginnaasut.

§ 2-mut

Imm. 1-mi siunnersuutigineqarpoq inatsit atuutilissasoq 1. januar 2019.

Imm. 2-mi siunnersuutigineqarpoq, § 1-mi, nr. 1-miit 6-mut siunnersuutit 1. januar 2017-miit atuutilissasut.

Imm. 2-mut siunnersuutit malitsigivaa, inatsit atuutissasoq 1. januar 1952 kingornatigulluunniit inunngorsimasunut inatsisip atuutilerneraniit, Kalaallit Nunaanni sulisilluni ajoqusersinnaanermut isumannaarineq pillugu inatsit imaluunniit peqqussut nr. 991, 3. oktober 2008-meersoq, 1. januar 2009 atuutilertoq, naapertorlugit inuussutissarsiorsinnaanermik annaasaqarnermut aammalu pilersuisorisamik annaasaqarnermut taarsiivigineqartunut.

Taamaalilluni siunnersuut pereersunut atuutissaaq.

Kalaallit Nunaanni utoqqalinersiuteqalernissamut ukiumik killigititaasunik qaffaaneq 1. januar 1952 sioqqul-lugu inunngorsimasunut sunniuteqanngilaa. Tamatu-munnga tunngaviupput, taakkua 65-nik ukioqarlutik utoqqalinersiuteqalernerat, 1. januar 2017 sioqqullugu, aammalu inuussutissarsiorsinnaanermik annaasaqarner-mut pilersuisorisamilluunniit aannaasaqarnermut taarsiivigineqartarneq 65-nik ukioqalernissap tungaanut atuuttarnera.

Pisinnaatitaaffik atuuppoq ajoquserutunut qimagaasunullu Kalaallit Nunaanni ajoqusersinnaanermut isumannaarineq pillugu inatsisikkut aammalu Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut nr. 991, 3. oktober 2008-meersukkut.

Siunnersuutit malitsigivaa, ajoquserut qimagaasullu inuussutissarsiorsinnaanermik annaasaqarnermut aammalu pilersuisorisamik annaasaqarnermut, inatsisip 1. januar 2019-imi atuutilernissaa sioqqullugu taarsiivigine-qarnissamik pisinnaatitaanngitsut, inatsisip pineqartup atuutilerneratigut annertusisamik taarsiivigineqarnissa-mut pisinnaatitaalernerat.

Tamanna isumaqarpoq, Arbejdsmarkedets Erhvervs-sikringip aammalu Sulisilluni Ajoqusernerit pillugit Sullissiviup, inuussutissarsiorsinnaanermik annaasaqarnermut aammalu pilersuisorisamik

annaasaqarnermut atatillugu taarsiivigineqarnissamut suliat arlariit ammaqjissagai, inatsit pineqartoq naapertorlugu annertusisamik taarsiivigineqarsinnaaneq pillugu aalajangii-sinnaanissaq tunaartaralugu.

1. januar 2009 sioqqullugu Kalaallit Nunaanni sulisilluni ajoqusersinnaanermut isumannaarineq pillugu peqqussutini, ajoqusernermut aammalu pilersuisorisamik annasaqarnermut taarsiissutinik tunniussisarnermut tunngatillugu allanik maleruagassaqarpoq. Peqqussutini taakkunani

maleruagassat malitsigivaat, inatsisartut inatsisaatigut utoqqalinersiuteqalernissamut ukiut killigititaasut allanngorneri, 1. januar 2017-miit 65-niit 66-nut aammalu 2021-mi 67-issinut, maleruagassani pineqartunut, ajoqusertunut qimagaasunullu, sunniuteqannginnissaat.

Inatsisissatut siunnersuutip inatsimmut atuuttumut sanilliunneqarnera

Oqaasertat atuuttut

Inatsisissatut siunnersuut

§ 1

Kalaallit Nunaanni sulisilluni ajoqusersinnaanermut isumannaarineq pillugu inatsimmi, tak. inatsimmut nalunaarut nr. 75, 16. januar 2017-imeersoq, allanngortinneqartoq inatsisikkut nr. 461,15. maj 2017-imeersukkut, makkuninnga allannguisoqassaaq:

§ 21. ...

1. § 21, imm. 7-mi oqaaseqatigiit aappaat atuukkunnaassaaq taarsiullugulu 2. - 4. imm. ikkunneqassaaq:

Imm. 2-6. ...

Imm. 7. Ukiumut tunniuttagassat 1/12-iat qaammatikkuutaartumik siumut tunniunneqartassaaq, tunniussisarnerlu piffissamiit inuussutissarsiorsinnaanermik annaasaqarnerup paasineqarfianiit aallartissalluni, kisiannili piffissaq sulisilluni ajoqusernerup nalunaarutigineqarfia sioqqullugu aallartissanani. Ajoqusertoq piffissami aalajangiiffiusumi 63-inik ukioqalereersimappat taarsiissutissat § 31-mi maleruagassat naapertorlugit ingerlaavartumik ukiumut tunniuttakkat marloriaataattut angitigisut aningaasannorlugit ataatsikkut tunniunneqassapput, tak. imm. 6.

» Ukiumut ingerlaavartumik taarsivigineqartarnek atorunnaassaaq qaammatip naanerani ajoqusersimasup utoqqalinersiuteqalerneraniit, tak. utoqqalinersiaqarnek pillugu inatsisartut inatsisaat.

Ajoqusersimasup aalajangiinerup nalaani, tak. imm. 1, utoqqalinersiuteqalernissaminut ukiut marluk ikinnerusulluunniit amigaatigippagit, pisartagarititat ataatsikkut tunniunneqassapput § 31, imm. 4-mi maleruagassat naapertorlugit, aningaasannorlugit ingerlaavartumik tunniussinerup ukiumut nalinga marloriarlugu, tak. imm. 6. Tamanna aamma ajoqusersimasunut utoqqalinersiuteqalersimasunut atuuppoq.«

Imm. 8. Imm. 7 naapertorlugu taarsiissutit ingerlaavartumik tunniunneqartarnerat qaammatip pissarsisartup 65-inik ukioqalerfiata naanerani unitsinneqassaaq.

2. § 21, imm. 8, atuukkunnaassaaq.

§ 24. ...

Imm. 2-3. ...

Imm. 4. Qimagaasunut tunngatillugu taarsiissutit ingerlaavartumik tunniunneqartarnerat qaammatip pissarsisartup 65- inik ukioqalerfiata naaneraniit unitsinneqassaaq.

§ 31 Ukiumut ingerlaavartumik taarsiissutissat inuussutissarsiorsinnaanermik 50 pct. inorlugu annaasaqarnermut § 21 malillugu pisassanngortitaasut nalinginnaasumik aammalu taarsiissutisisinnaatitaasoq akuersiteqqaanngikkaluarlugu aningaasanngorlugit ataatsikkut tunniussassanngortinneqassapput. Inuussutissarsiorsinnaanermik annaasaqarnermut taarsiissutissat inunnet piffissami aalajangiiffiusumi 63- inik ukioqalereersunut § 21, imm. 7, oqaaseqatigiit aappaat naapertorlugit pisassanngortinneqartut tamatigit aningaasanngorlugit ataatsikkut tunniunneqartassapput. Inuussutissarsiorsinnaanermik annaasaqarnermut taarsiissutissat pillugit § 21, imm. 3 naapertorlugu utaqqiisaagallartumik aalajangiisoqarsimatillugu taarsiissutissat aningaasanngorlugit ataatsikkut tunniussassanngortinneqarsinnaanngillat. *Imm. 2.* Inuussutissarsiorsinnaanermik annaasaqarnermut 50 pct.-iusumut taassumangalu annertunerusumut ukiumoortumik ingerlaavartumik taarsiissutissanik pisassanngortitsisoqarsimatillugu, taarsiissutisisinnaatitaasup tamanna qinnutigippagu taarsiissutissat ilaat inuussutissarsiorsinnaanermik annaasaqarnerup 50 pct.-itai tikillugit annertussuseqartut aningaasanngorlugit ataatsikkut tunniutassanngortinneqassapput. Pissarsisussaq 63- inik ukioqalereersimappat taarsiissutissatut ingerlaavartumik tunniutassanngortinneqartut aningaasanngorlugit ataatsikkut tunniutassanngortinneqarsinnaanngillat.

Imm. 3-5. ...

3. § 24, stk. 4, naalisarneqassaaq imatut:

» *Imm. 4.* Ukiumut ingerlaavartumik taarsivigineqartarnek atorunnaassaaq qaammatip naanerani ajoqusersimasup utoqqalinersiuteqalerneraniit, tak. utoqqalinersiaqarneq pillugu inatsisartut inatsisaat.«

4. § 31, imm. 1, 2. imm., atuukkunnaassaaq taarsiullugulu oqaaseqatigiit aappaat pingajuallu ikkunneqassapput:

» Inuussutissarsiorsinnaanermut annaasaqarnermut taarsiissutissat ataatsikkut tunniunneqassapput aningaasanngorlugit, inunnet aalajangiinerup nalaani, tak. § 21, imm. 7, 3. imm., utoqqalinersiuteqalernissamut ukiunik marlunnik ikinnerusunilluunniit amigaateqartunut, tak. utoqqalinersiaqarneq pillugu inatsisartut inatsisaat. Tamanna aamma ajoqusersimasunut utoqqalinersiuteqalersimasunut atuuppoq.«

5. § 31, imm. 2- mi oqaaseqatigiit aappaat naalisarneqassaaq imatut:

» Ukiumut ingerlaavartumik taarsiissutissatut aalajangiussat ataatsikkut aningaasanngorlugit tunniunneqarsinnaanngillat, tiguisusaaq utoqqalinersiuteqalernissaminut ukiut marluk ikinnerusulluunniit amigaatigippagit, tak. utoqqalinersiaqarneq pillugu inatsisartut inatsisaat.«

§ 76. ...

Imm. 2-3. ...

Imm. 4. Peqqussut, tak. imm. 3, suli ukunani atorneqassaaq

- 1) ajoqusernertut, ulloq 1. januar 2011 sioqqullugu pisut, aamma
 - 2) inuussutissarsiornermi nappaatigilikkanut ulloq 1. januar 2011 sioqqullugu nalunaarutigineqarsimasunut.
- Imm. 5.* Inatsisip atuutilerneratigut aningaasat §§-ini 22-mi, 23-mi aamma 28, imm. 3-mi, 4-mi aamma 5-imi allassimasut § 29 naapertorlugu iluarsivigineqassapput. Arbejdsskade styrelsen pisortaata naleqqussaannerit suut pissanersut nalunaarutigissavaa.

Imm. 5. ...

§ 79. Sillimmasiissutini pisinnaatitaasoq sillimmasiisussaatitaasoq sillimmasiissutini, peqqussut nr. 991, 3. oktober 2008-meersoq naapertorlugu sillimmasersimasup, atorunnaarsinnaanngilaa, akiligassat qaffannerat pissutigalugu, inatsisip matumap malitsigisaanik aningaasartuutit qaffannerannik taamaallaat tunngavilersugaasoq.

6. § 76-imi imm. 4-p kingorna immikoortoq nutaaq ikkunneqassaaq:

» *Imm. 5.* Suliani, imm.4-mut attuumassuteqartuni, atorneqassapput § 21, imm. 7-mi oqaaseqatigiit aappaat, pingajuat aamma sisamaat, 2.-4. imm., § 24, imm. 4, § 31, imm. 1-mi oqaaseqatigiit aappaat pingajuallu, § 31, imm. 2-mi oqaaseqatigiit aappaat aamma § 79, ukununga taarsiullugit § 22, imm. 7-mi oqaaseqatigiit aappaat, § 22, imm. 8, § 25, imm. 4, § 32, imm. 1-mi oqaaseqatigiit aappaat, § 32, imm. 2-mi oqaaseqatigiit aappaat aamma § 82 peqqussummi nr. 991, 3. oktober 2008-meersumi nalunaartoqartillugu taarsiisutissanillu akiliisoqartillugu inuussutissarsiorsinnaanermik annaasaqarnermi aamma pilersuisorisamik annaasaqarnermi.«

Imm. 5 taamaalilluni imm. 6-inngussaaq.

7. § 79 naalisarneqassaaq imatut:

»**§ 79.** Sillimmasiissutini pisinnaatitaasoq sillimmasiisussaatitaasorlu sillimmasiissut atorunnaartissinnaanngilaa sillimmasiissut nalingata qaffatinneqarnera pissutigalugu, tunngavilersuutigalugu aningaasartuutit qaffannerat, inatsisip matuma malitsigisaanik, utoqqalinersiaqarneq pillugu inatsisartut inatsisaat imaluunniit inatsisit taaneqartut allanngortinneqarneratigut imaluunniit peqqussut nr. 991, 3. oktober 2008-meersuk-kut.«

§ 2

Imm. 1. Inatsit atuutilissaaq 1. januar 2019.

Imm. 2. § 1, nr. 1-6, 1. januar 2017-imiit atuutilerpoq.